



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

LXXXII. Quod Fratres Minores de Observantia S. Francisci Provinciæ  
Valentiæ non possint transire ad Recollectos absque licentia Ministri  
Provincialis.

---

[urn:nbn:de:hbz:466:1-74833](#)

ANNO  
1660.

ALEXANDER SEPTIMUS.

III

ANNO  
1660.

LXXXII.

Quod Fratres Minores de Observantia S. Francisci Provinciae Valentiae non possint transire ad Recollectos absque licentia Ministri Provincialis.

De transita ab una ad aliam Familiam Observantium & Reformatorum vide ad Constitut. 240. Urban. VIII. Injuncti nobis, & ad Constitut. 292. Religiosos viros.

Edita A. D.  
1660.

ALEXANDER PAPA VII.

Ad futuram rei memoriam.

Motiva hu-  
ius Constitut.

**A**lias pro parte dilecti filii Jacobi Quintana Procuratoris Provinciae Valentiae Ordinis Fratrum Minorum S. Francisci de Observantia nuncupatorum Congregationi Venerabilium Fratrum nostrorum S. R. E. Cardinalium negotios, & consultationibus Episcoporum, & Regularium praeposito exposito, quod vigore concordia dudum inter fratres Minores de Observantia nuncupatos ex una, & fratres Recollectos Provincie, & Ordinis praedictorum ex altera partibus inita, & à fel. rec. Gregorio Papa XIII. praedecessore nostro confirmata, qua caverunt, quod fratres qui ex dominibus tñon Recollectis ad Recollectas transire voluerint, consensum prius in scriptis habeant Guardiani, & Conventus domus, ad quam transire intenderint, consensu vero hujusmodi per vota secreta exquiratur; eo obtento licentia humiliter petatur a Ministro Provinciali transiendi ad praedictam domum quam ipse Minister benignè concedere teneatur: multi non zelo virtutis, nec ut ferventius Deo servire possent, sed per voluntatis inconstantiam, & mutabilitatem tenderent ad aliquem Conventum Recollectorum, & acciperent vota; ac licer Minister Provincialis videret talem transitum esse contra bonum regimen dictæ Provinciae, & nullo modo convenire, ipso invito transirent ad Recollectos, sine particula supradictæ concordia, qua dicitur quod Minister Provincialis licentiam concedere teneatur.

**§. 1.** Et in eadem expositione subiuncto, hoc videri esse contra mentem d. Gregorii praedecessoris, & Religionem, ideoque ad tales abusus evitandos d. Congregationi supplicato, ut declararet dictam particularum; ita scilicet ut Minister Provincialis ejusmodi licentiam concedere teneatur, si judicaverit secundum Deum ita expedire, & non aliter, & si de aliis affirmativis, & negativis in eadem concordia positis emanavit ab eadem Congregatione Decretum tenoris qui sequitur, videlicet.

**§. 2.** Sacra Congregatio Eminentissimorum S. R. E. Cardinalium negotios, & consultationibus Episcoporum, & Regularium praeposita attentis narratis, ac auditio Ministro Generali Ordinis hujusmodi circa præmissa declarandum censuit, prout præsentum tenore declarat, & decernit ex vi prelicitaræ clausulæ in memorata concordia à Gregorio XIII. confirmata apposita, Ministru Provinciale Provinciae praedictæ pro tempore existens, ad conceden. licentiam ejusmodi transitus non teneri nisi quando secundum Deum illam concedere judicaverit expedite, & sic de aliis affirmativis, & negativis, ita eadem concordia contentis, quibuscumque in contrarium non obstantibus. Roma 19. Decembris 1659.

**§. 3.** Cum autem sicut dictus Jacobus Nobis nuper exponi fecit, ipse Decretum hujusmodi Apostolicæ, confirmationis nostræ robore communiri summopere desideret: Nos ipsum Jacobum specialibus favoribus, & gratiis prosequi volentes, & à quibusvis excommunicationis, suspensionis, & interdicti, alisque Ecclesiasticis

sententiis, censuris, & poenis à jure, vel ab homine quavis occasione, vel causa latet si quibus quomodolibet innodatus existit ad effectum præsentium dumtaxat consequen. harum serie absolventes, & absolutum fore censemtes.

**§. 4.** Supplicationibus ejus nomine Nobis super hoc humiliter porrectis inclinati, Decretum præsertum auctoritate Apostolica tenore præsentium confirmamus, & approbamus, illiq[ue] inviolabilis Apostolicae firmitatis robur adjicimus, salva semper in præmissis auctoritate prædictæ Congregationis Cardinalium;

**§. 5.** Decerentes easdem præsentes litteras semper firmas, validas, & efficaces existere, & fore, ac ab illis ad quos spectat, & pro tempore spectabit inviolabiliter observari, sive in præmissis per quoscumque Judices ordinarios, & Delegatos, etiam cauſarum Palatii Apostolici Auditores, judicari, & definiſſi debere; ac irritum, & inane si fecus super his à quoquam quavis auctoritate scienter, vel ignoranter contigerit attentari.

Non obstantibus præmissis, ac constitutionibus, & ordinibus Apostolicis, ceterisque contrariis quibuscumque.

Datum Romæ apud S. Mariam Majorem sub Annulo Piscatoris, die 22. Januarii 1660. Pontificatus Nostri Anno quinto,

Confirmat  
prout in Rub.

Decretum  
irritans.

Contrariis  
derogat.

Dat. P. An. §.  
die 22. Jan.

LXXXIII.

Confirmat Decretum Capituli Generalis Congregationis Hispaniarum Fratrum Discalceatorum nuncupant. Sanctissime Trinitatis Redemptionis Captivorum, scilicet, quod Praelati locales, seu Conventuales non amplius habeant vota in Capitulis Generalibus, sed solùm Superiores Generales, Diffinidores Generales, Provinciales, & Socii, seu Discreti.

De his Fratribus vide ad Constitut. 208. Urbani VIII. Exponi Nobis, & ad Constitut. 175. Injuncti Nobis, in quibus agitur de electione, & vacazione Ministeri Generalis eorumdem.

ALEXANDER PAPA VII.

Ad futuram rei memoriam.

Edita A. D.  
1660.

**A** Ð Pastore fastigium meritis licet imparibus, Divina dispositione electi, illis, quæ proficiunt, prosperoque Congregationum Virorum Altissimi obsequiis sub suavi arctioris Religionis iugo mancipatorum regimine, & gubernio prvidè, & salubriter decreta, & constituta esse conspicimus, libenter cum à Nobis petitur Apostolici muniminis adjungimus firmitatem.

**§. 1.** Exponi siquidem Nobis nuper fecit dilectus filius Procurator Generalis Congregationis Hispaniarum Fratrum Discalceatorum nuncupatorum Ordinis Sanctissimæ Trinitatis Redemptoris Captivorum, quod iidem Fratres in eorum Capitulo Generali die 10. Maii proximè præteriti in Civitate Toletana celebrato, cui juxta litteras Apostolicas in simili forma Brevis per dictam Congregationem obrentas, intervenerunt, & in quo vocales fuerint dilecti pariter filii Minister Generalis, Diffinidores Generales, Provinciales, & Ministri Conventuales ipsius Congregationis, considerantes eandem Congregationem benediciente Domino dilatatam esse in tres Provincias, & plurimas domos inter se valde distantes, quippe in Regnis Castellæ, Beticæ, Aragoniæ, Navarra, Cathalonie, & Valentia positas: confitique ipsi per experientiam occasione accessus Ministerum Conventualium ad Capitulum Generale, longissima itinera suscipi, magnisque fieri expensæ; quin etiam propter diuturnam illorum à Conventibus absentiam minus vige in eis regularem observantiam, ac perpenso eos, quos Vocales assignari, ut infra petitur, majoris esse obser-

Absolvit  
Oratorem à  
cenfūris.